

# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ Օ Ր Ե Ն Ք Ն

Օրինագիծն ընդունված է ՀՀ Պերագույն խորհրդի  
կողմից «30» մարտի 1994 թ. Հ.Ն-1043-Ն

## ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ՀԱՐԿ ՎՃԱՐՈՂ ԻՐԱՎԱՔԱՆԱԿԱՆ ՈՒ ՖԻԶԻԿԱԿԱՆ ԱՆՁԱՆՑ, ԱՅԼ ՎՃԱՐՈՂՆԵՐԻՆ ՍԱՀՄԱՆՎԱԾ ՀԱՐԿԵՐԻՑ, ՏՈՒՐՔԵՐԻՑ ՈՒ ՊԵՏԱԿԱՆ ԱՐՏԱՔՅՈՒՋԵՏԱՅԻՆ ՖՈՆԴԵՐԻ ՀԱՄԱՐ ՆԱԽՏԵՍՎԱԾ ՀԱՏԿԱՑՈՒՄՆԵՐԻՑ, ԻՆՉՊԵՍ ՆԱԵՎ ՀԱՐԿԱՅԻՆ ՕՐԵՆՍՊՐՈՒԹՅՈՒՆԸ ԽԱՆՏԵԼՈՒ ՀԱՄԱՐ ՍԱՀՄԱՆՎԱԾ ՏՈՒՅԺԵՐԻՑ, ՏՈՒՎԱՆՔՆԵՐԻՑ ԵՎ ԱՅԼ ՊԱՏԱՍԽԱՆԱՏՎՈՒԹՅՈՒՆԻՑ ԱԶԱՏԵԼՈՒ ՄԱՍԻՆ

1. Հայաստանի Հանրապետությունում հարկ վճարող իրավաբանական ու ֆիզիկական անձինք կամ այլ վճարողները, որոնք մինչև 1992 թ. հունվարի 1-ը ընկած ժամանակաշրջանի համար չեն վճարել սահմանված հարկերն ու տուրքերը և չեն կատարել պետական արտաքույն տարածքային ֆոնդերի համար նախատեսված հատկացումները, ազատվում են այդ հարկերի, տուրքերի վճարումից և հատկացումների կատարումից:

2. Հայաստանի Հանրապետությունում հարկ վճարող այն իրավաբանական ու ֆիզիկական անձինք կամ այլ վճարողները, որոնք խախտել են Հայաստանի Հանրապետության (կամ նախկին ԽՍՀՄ) հարկային օրենսդրությունը ու չեն վճարել հարկային օրենսդրությունը խախտելու համար Հայաստանի Հանրապետության (կամ նախկին ԽՍՀՄ) օրենսդրությամբ սահմանված համապատասխան տույժերն ու տուգանքները կամ չեն ենթարկվել հարկային օրենսդրությունը խախտելու համար սահմանված այլ պատասխանատվության, ազատվում են մինչև 1992 թ. հունվարի 1-ը առաջացած այդ տույժերից, տուգանքներից և Հայաստանի Հանրապետության օրենսդրությամբ նախատեսված այլ պատասխանատվությունից:

3. Սույն օրենքը կիրարկել հրապարակման պահից:

Հայաստանի Հանրապետության  
Նախագահ

Լ. Տեր-Պետրոսյան

26 ապրիլի 1994 թվականի,  
քաղ. Երևան  
ՀՕ-100